

SCRIPT OF MORNING GOJRI NEWS BULLETIN 19SEP 1015 HRS

ما رنینگ گو جری نيو ز بلیٹن مو رخه 19 ستمبر 2025

یوه آکا شوانی جموں بے عبدالرحمان تین خبر سنو۔

CM TAAK

وزیر اعلیٰ عمر عبداللہ نے سیاحتی شعبہ سنگ وابستہ افراد نامہ یقین دوایو بے جے وے مرکزی وزیر داخلہ امت شاہ سنگ جموں کشمیر مانہہ بند کی اگیا سیاحتی مقامات نامہ دوبارہ کھولن غا مسلہ ور بات کریں غا۔ گلمرگ مانہہ کشمیر ٹریول اجنس ایسو سیشن غی ستارویں سالانہ عام میٹنگ اے جی ایم سنگ خطاب کرتا وان اُنہاں نے کہیو جے آرو بتاں ویلی تے درونگ جیسا اہم مقامات نامہ بند رکھن سنگ سیاحت غا فروغ و راثر بے رہیو بے وزیر اعلیٰ عمر عبداللہ نے اس گل ور زور دو جے مرکز غے سنگ ہم آبنگی غی ضرورت بے تائجے تاثر بہترین تے سیلانیاں غی آمد مانہہ آضافو وے اُنہاں نے امید ظاہر کی جے خزان تے سردیاں گو موسم کچ بحالی لے غے آوے گو جد کہ موسم بہار واسطے تیاریاں غو آغاز بھر پور بریقه سنگ بونو چاہیے۔

ITOO EXAM

وزیر تعلیم محترمہ سکینہ اتو نے تصدیق کی بے جے مرکزی زیر انتظام علاقہ جموں کشمیر مانہہ تمام امتحانات تعلیمی کیلنڈر غے مطابق مقررہ وقت ور وینگا اُنہاں نے کہیو جے حکومت فعال طور ور شراکت داراں تین تجاویز لے رہی بے جے تعلیمی نفسان گو اڑالو کس طرح کی و جے اخباری نمانداں سنگ گل بات کرتا وان اُنہاں نے تسلیم کی و جے طلب نامہ جنگ جیسی صورتحال شدید گرمی تے حالیہ سیلاپ جیسی حالت غی وجہ سنگ تعلیمی روکاؤٹاں گو سامنو کرنو پیو دواں صوباں مانہہ کنی سکول وی قدرتی آکات سنگ متاثر بوا تے نقصان وی ہو تو ایم اُنہاں نے یقین دوایو جے مسائل غے باوجود امتحانات غا انعقاد مانہہ کوئی تاخیر نہیں وے غی۔

SEVA PARV WOMEN

سیوا تے سشاسن غا منتر غی رہنمائی مانہہ وزیر اعظم نریندر مودی غی سربراہی مانہہ

حکومت مسلسل تبدیلی تیترقی واسطے انتہا محت کرربی بے اج اس خصوصی سلسلہ سیوا پرو مانہہ بم تم نانہہ دسان جے کس طرح مودی حکومت نے ملک پھر مانہہ خواتین ناہہ بالاختیار بنان نانہہ مضبوط کیوہے پچھلے 11بران مانہہ حیاطی چکر ور مبنی حکمت عملی نے بیٹھی بچاؤ بیٹھی پڑھاؤ جیسی مهم نانہہ اکے بدھایو جس سنگ پیدا نش ور قومی حس غو تناسب 9سو 18تین بدھ غرے 30توڑی پُج گیو۔ سکنیا سمردھی یوجنا تے لکھ پتی دیدی جیسا منصوبان نے خواتین نانہہ معاشی تے سماجی طورور مستحکم کیو ہے وزیر اعظم نریندر مودی نے ہریانہ مانہہ بیمه ساکھی سکیم غو آغاز کیو جس نے خواتین غی حفاظت تے مالی شمولیت نانہہ بدھایو بے جموں کشمیر سنگ تعلق رکھن آلی خواتین جس طرح کہ شبنم قادر نے اپنی مدد آپ گروپاں غرے ذریعے اپنی زندگی نانہہ بدلیں۔

PROG ANN

علاقائی خبران آلو یونٹ آکاشوانی جموں غی طرفون ایک خصوصی مباحثہ پروگرام پیش کی و جے غو چہرو 30منٹ گو وے گو تے اس غو موضوع وے گو کھیڈ بطور ایک نوین پشان برائے جموں کشمیر یوہ مباحثہ سیواپرو 2025جہیڑو کہ 15ستمبر تین منایو جاربیو بے غی تقریبات غا سلسلہ مانہہ بے یاہ خصوصی نشریات 20ستمبر 2025بار غرے روز دوپہر ساڑھہ 12بجے نشر کیو جے غو۔ اس خصوصی پروگرام مانہہ ماری مہمان وین غی محترمہ انرو رادها گپتا جے کے اے ایس دائريکٹر جنرل محکمہ نوجوانان بارے خدمات تے کھیڈ جموں کشمیر وینگی جہڑی اس موضوع ور اپنی بصیرت تے ماہرآراء پیش کرینگی پروگرام غی میزبانی مہارا اینکر وجے بجاج تے عالم خان کرینگا۔ سامعین یوہ پروگرام میثیم ویو 303 میٹر یعنی 990کلو بٹز تے ایف ایم 100.3 ور سُن سکیں غا۔

IIM AWARD

جموں کشمیر واسطے فخر غا لمھہ مانہہ سی ایس آئی آر جموں غا ٹیکنالوجی بنس اینکیو بیٹھ نانہہ نوین دلی مانہہ منعقد چوتھی بھارت کاروباری سراہی کانفرنس مانہہ معزز بھارت انکو بیٹھ اعزاز 2025سنگ نوازیو گیو یوہ آواڑ یوٹھی مانہہ انکوبیٹر غی شاندار کاوشان تے کاروبار غا فروغ نانہہ تسلیم کرے سی ایس آئی آر ٹھی بی آئی نوین کمپنیاں اختراع تے نوجوان کاروباریاں نانہہ بالاختیار بنان مانہہ کلیدی کردار ادا کرربی وبے یوہ اعزاز اس گل گی عکاسی بے جے جموں کشمیر مانہہ نواں کاروباری منصوبہ ابھر ربیا بیں تے ادارہ خطہ مانہہ اختراع تے معاشی ترق غی قیادت کرربیا بیں۔

GST REFORMS

جمون کشمیر پهر غی عوام نے حالیہ جی ایس ٹی شرح مانہہ کمی نانہہ خوش آمد ید کيو بے جس نانہہ آتی جی ایس ٹی اصلاحات غیرے تھت کيو گیو بے اس نانہہ عام آدمی واسطے ایک بڑی راحت قرار دتو جاربیو بے جی ایس کونسل نے 2 پہیاں آلی گڈیاں تے چھوٹی کاراں ور ٹیکس غی شرح 28 فی صد تین کہتا غیرے 18 فی صد کردتی بے جس سنگ یہ درمیانہ طبقہ غ اگھراں واسطے مزید قابل رسائی بو گئی بیں یوہ قدم آتو سیکھن نانہہ فروغ دین تے صنعت کاری فروخت تے سروسز مانہہ روز گار غا موقع پیدا کرنغی توقع رکھے جی ایس ٹی غی نوبن ستہ غی شرح سوموار تین نافض العمل وینگی

TRAFFIC

جمون سرینگر قومی شاپراہ ور اج صرف سرینگر تین جمون در بلکی گڈیاں نانہہ یک طرفہ امدرفت غی اجازت بے جمون تین سرینگر جان لی گڈیاں نانہہ شاپراہ ور داخل ہون غی اجازت نہیں وے غی۔ سرینگر غی طرفون ن لی تمام بلکی گڈی سویرے 7 تے 10 جے غیرے بشکار قاضی گڈا غا نویگ ٹنل تین گزریں غی۔ حکام نے ڈرائوراں تین اپیل کی بے کہ وہ مقررہ وقت تے ہدایات ور عمل کریں تاجے ٹریفک غی روانی تے سڑکاں غی حفاظت برقرار رے۔
